

ХОЗИРГИ ЗАМОН ФОРМАЛАРИНИНГ ҚЎЛЛАНИШ ХУСУСИЯТЛАРИ

Катта ўқитувчи Л.Ибрагимова

Аннотация

Ушбу маколада хозирги замон шаклининг кулланиш хусусияти хакида фикр юритилган.Хозирги замон феъл ясовчи кушимчалар,хозирги замон феълининг турлари юзасидан мисоллар билан ёритиб берган.

Калит сўзлар: Феъл, форма, категория, вақт, келаси, ҳозирги, харакат, кўмакчи феъл.

Аннотации

В этой статье обсуждается природа использования формы настоящего времени.

Ключевые слова: глагол, форма, категория, время, следующий, настоящее, действие, вспомогательный глагол.

Annotation

This article discusses the nature of the use of the present tense form.

Keywords: Verb, form, category, time, next, present, action, auxiliary verb.

Феъл билдирган ҳаракатнинг бажарилиши албатта, маълум вақтда бўлади. Демак, ҳаракат вақт (замон) тушунчаси билан алоқадор бўлади. Грамматик замон категорияси ҳаракатнинг нутқ моментига муносабатини ифодалайди. Ҳозирги ўзбек тили феълининг замон формаларига жуда бойлиги билан ҳам ҳарактерланади.¹

Ҳозирги ўзбек тилида ҳозирги замон феълининг аффикслар ва кўмакчи феъллар ёрдамида ясалувчи бир неча формаси қўлланади. Ҳозирги замон феълининг синтетик формаси қуидаги аффикслар ёрдамида ясалади: -яп, -ётиб, -ётир, -моқда: ёзяпти, ёзаётиби, ёзаётир, ёзмоқда каби. Тасвирий формаси эса ёт, тур, юр, ўтирик кўмакчи феъллари ёрдамида ясалади: ёзиб ётибди, ёзиб турибди, ёзиб юрибди, ёзиб ўтирибди каби.

¹ Ўзбек тили грамматикаси. 1- жилд. Морфология.- Т.: Фан, 1975 й, 475-76-б.

Ҳозирги замон формалари ҳаракатнинг нутқ моментидан олдин бошланганлиги ва нутқ момента ҳам тугамаганлигини билдиради. Бу форма билдирган ҳаракат нутқ момента бажарилаётган (бажарилиб турган) ёки нутқ момента бажарилмаётган бўлиши мумкин. Бундаги асосий нарса ҳаракатнинг худди нутқ момента бажарилаётган бўлиши эмас, балки ҳаракатнинг нутқ моментаидан аввал бошланганлиги ва ҳозир ҳам тугамаганлиги, давом этаётганлигидир: Мана булар ажойиб ҳунар эгалари бўлиб ўсмоқда (Ибохон). Отанг боғда ишлайтилар (Ҳ.Ғулом) Ҳозир у ўз қилмишидан анча пушаймон бўлаётиби. (Ҳ Назир).

Ҳаракатнинг давомийлиги (тугамаганлиги) маъноси ҳозирги замон формаларининг ҳаммасига хос. Шу сабабли таркибида ҳозирги замон кўрсаткичи бўлган ўтган замон феъл формалари ҳам давомлилик маъносига эга бўлади: ишлаётган эди, ишламоқда эди каби. Ҳозирги замон феъл формалари маъно ёки қўлланишдаги хусусиятлари билан бир-биридан фарқланади.

Бу замон шакллари феъл асосларига –яп, -моқда, -(а)ётириб қўшимчаларини қўшиш билан ҳосил қилинади. Ҳозирги замон шакллари ҳаракат ва ҳолатнинг гап айтилаётган вақтда юз беришини ифодалайди.²

Ҳозирги замон феълининг стилистик жиҳатдан нейтрал ва энг кўп қўлланадиган формаси -яп аффикси ёрдамида ясалувчи формадир. Бу форма ҳаракатнинг бошланганлиги ва ҳозир ҳам давом этаётганлиги маъносига бошқа бирор қўшимча маъно ифодаламайди.

-ётиб аффикси ёрдамида ясалувчи форма -яп аффикси билан ясалувчи формага нисбатан кам қўлланади. Бу форма нисбатан қадимий бўлиб, -яп аффикси -ётиб аффиксидан келиб чиқкан. Шу сабабли бу икки аффикс ёрдамида ясалувчи феъл формаси маъно жиҳатдан бир-биридан фарқланмайди ва каттарок бир жумла ичida уларнинг иккаласининг аралаш қўлланиш ҳоллари кўп учрайди.

² Маҳмудов Н., Нурмонов А., Собиров А., Набиева Д. Она тили -Т.: Тасвир, 2005, 79-б.

Маъно жиҳатдан -ётир аффикси ёрдамида ясалувчи форма -яп ва -ётиб аффикслари орқали ясалувчи формалар билан бир группани ташкил қиласди. Лекин у кўпроқ диалектал форма бўлиб, ёзувда асосан газета материалларида, поэтик асарларда учрайди:

Биз, мана, бир бутун қувватни тўплаб, шу олий жаҳонни қураётимиз.
(Уйғун)

Хозирги замон феълининг -моқда аффикси билан ясалувчи формаси китобий услугга хос. Бу форма образли ифодаларда, тантанали, қўтаринки нутқларда қўлланади: Кеч куз. Олтиндек сап-сариқ барглар дараҳт шохларидан чирт-чирт узилиб ерга тушмоқда (Ж. Шарипов). Қушлар шоҳдан шоҳга сакрашиб қувноқ сайрашмоқда. Кишлоқ устида кишига ҳузур берувчи тонг шабадаси ғир-ғир эсмоқ да (Ҳ. Назир). Бу мисоллардаги -моқда аффикси билан ясалган феъл формаси -яп аффикси ёрдамида ясалувчи форма билан алмаштирилса, воқса оддий баён тусини олади. -моқда аффикси билан ясалувчи форманинг биринчи ва иккинчи шахсга нисбатан учинчи шахсда, биринчи ва иккинчи шахснинг бирлигига нисбатан кўплигига қўп қўлланишининг сабаби ҳам унинг юқорида айтилган хусусиятидан келиб чиқади.

-моқда аффикси билан ясалувчи форманинг ўзига хос хусусиятларидан яна бири унинг бўлишсизлик (инкор) формасига эга эмаслигидир.

Тўрт ҳолат феълининг — ёт, тур, юр, ўтириларининг хозирги замон формаси алоҳида қўринишга эга. Буларнинг хозирги замон формаси -(и)б аффикси билан ясалган равишдошга шахс-сон қўшимчаларининг қўшилишидан ҳосил бўлади: ётибман, ётибсан, ётибди; турибман, турибсан, турибди; юрибман, юрибсан, юрибди; ўтирибман, ўтирибсан, ўтирибди каби: Станцияда яна икки вагон тахта, цемент, ойна, тунукалар ётибди (А. Мухтор). Республикализ олдида жуда катта, юксак вазифалар турибди (Ойбек). ...чирмандангни секинроқ черт, далада ҳали эл юрибди (Ойбек).

Тўрт ҳолат феълининг бу формаси ўтган замон маъносини ҳам ифодалайди. Ўтган замон ёки ҳозирги замон ифодаланганлиги контекстда

аниқлашади: Хон бир бегуноҳ одамни ғазабига олиб тошбурон қилдирибди, «тош отмаган одам қолмасин» деб ўзи тепасида турибди. Мулла Бурхон ҳам Ситоранинг келишиини қутиб чиллахонадан бирон жойга чиқмай ўтирибди, Ситора кўп кутдирмабди (С. Айний). Тўрт ҳолат феълининг бу ҳозирги замон формаси булишсиз формада қўлланмайди. Агар бўлишсизлик кўрсаткичини олса, ўтган замон ифодаланади: ётмабди, турмабди, юрмабди, ўтирмабди каби.

Ёт, тур, юр, ўтири феълларининг ҳаракат ёки ҳолат ифодалашини фарқлаш керак. Ҳаракат билдирганда, уларнинг ҳозирги замон формаси -яп, -ётиб, -ётири аффикслари ёрдамида ясалади. Қиёсланг: ўрнида ётятпи — ўрнида ётибди; ўрнидан туряпти — ўрнида турибди.

Ҳозирги замон феълининг тасвирий формалари ёт, тур, юр, ўтири кўмакчи феъллари ёрдамида ясалади: ёзиб ётибман, ёзиб турибман. Мен звенога Гуломжонни мулжаллаб юрибман. Ҳали келишгани йўқ, ўзим ҳам хавотир бўлиб ўтирибман (А. Каҳҳор).

Тасвирий форманинг ёт, тур, юр, ўтири кўмакчи феъллари ёрдамида ясалувчи ҳар бир тури ўзига хос қўшимча маънолари ва бошқа хусусиятлари билан бир-биридан фарқланади. Масалан, ёт кўмакчи феъли ёрдамида ясалувчи форма ҳаракат-ҳолатни кучайтириб ифодалайди: ёзиб ётибди, ишлаб ётибди, ёғиб ётибди каби; юр кўмакчи феъли билан ясалувчи форма ҳаракатнинг узоқ давом этишини билдиради: ишлаб юрибди ва б. Бу фарқли хусусиятлар ҳар бир кўмакчи феълга хос хусусиятлар ҳисобланади (Булар ҳақида «Кўмакчи феъллар» баҳсига қаранг).

Тўрт кўмакчи феъл ёрдамида ясалувчи ҳозирги замон феълининг инкор формасида бўлишсизлик кўрсаткичи етакчи феълга қўшилади: ишламай турибди, бормай юрибди каби. Бўлишсизлик кўрсаткичи кўмакчи феълга қўшилса, ўтган замон ифодаланади: ишлаб турмабди.

Ҳозирги замон феълининг тасвирий формаси аффикслар ёрдамида ясалувчи формага нисбатан анча олдин юзага келган.

Хозирги-келаси замон феълининг икки формаси бор: 1) ҳозирги-келаси замон аниқлик формаси; 2) ҳозирги-келаси замон гумон формаси.

Хозирги-келаси замон аниқлик формаси -а, -й аффикси билан ясалган равишдошни шахс-сон билан туслаш орқали ҳосил қилинади: ёзаман, ёзасан, ёзади; ёзамиз, ёзасиз, ёзади(лар); ишлайман, ишлайсан, ишлайди; ишлаймиз, ишлайди(лар). Бу форма қуидаги маъноларни ифодалаш учун қўлланади:

1. Ҳозирги замонни билдиради. Бунда қуидаги ҳолатлар бўлиши мумкин: 1) ҳаракатнинг бажарилиши бирор вақт билан чегараланмайди, у предметнинг қонуний, доимий белгисига айланган бўлади: қуш учади, ёзда ҳаво исиди, қулги умрни узайтиради ва б. Инсон юраги-нозик рубоб. Уни муҳаббат билан чертсанг,ишқ қўшиғини,вафо достонини эшитасан. (Ҳ. Гулом), Ўзбек қизлари севгисини айтмайди. Бир умр пинҳон тутади (Сайёр). Қуш уясида курганини қилади (Мақол); 2) шахс ёки предметнинг одатдаги, доимий ҳаракатини билдиради: Аёлим қишин-ёзин ичкари ҳовлиниң юмушини қ и л а д и: кир ювади, уй-жойини супуради, нон ёпади , кўрпа қавийди, (Ойбек). Менинг икки танишим бор, бир-бирига ишонади, бирга ишлайди, бирга юради, бирга туради.(А.Қахҳор);3) ҳаракатнинг бажарилиши бевосита нутқ моментига, ҳозирга оид бўлиши мумкин: Йигит ниҳоятда исиб кетган. Пешонаси, юзларидан тинмай тер қуяди (Сайд Аҳмад). Ўша куни бўлиб ўтган шов- шув ҳали ҳам қулоғим тагида шанғиллайди, ҳали ҳам миямни гангитяпти (Б. Кербобоев). Аллақандай қинғир-қийшиқ йулларда юриб, жиноят қилиб, жар ёқасида турасан, бола!!" (Яшин).

Ҳаракат предметнинг доимий белгиси, одатдаги ҳаракати бўлганида ҳам бу ҳаракатнинг ҳозирги замонга оидлиги инкор этилмайди, балки бу ҳаракат ҳозирги замон учун ҳам характерли бўлади. Шу сабабли қуш учади, одам гапиради каби гаплардаги учади, гапиради феъллари ҳозирги замон маъносини ифодаловчи формалар хисобланади (грамматик жиқатдан феълнинг ўтган замон, ҳозирги замон ва келаси замонидан бошқа яна қандайдир замони йук). Ҳозирги келаси замон формаси ҳозирги замон маъносини ифодалаган ҳолларда ҳаракатнинг бажарилишини маълум вақт доирасида

конкретлаштирумаслиги билан ҳозирги замон феъл формаларидан фарқланади. Шунга кура, ҳаракат-ҳолат ҳозирги вақтга оид бўлган ҳолларда ҳам ҳозирги-келаси замон формаси билан алмаштирилса, маънода маълум ўзгариш сезилади. Киёсланг: нега индамайсан — нега индамаяпсан. Худди шу хусусиятига кура қуидаги мисоллардаги ҳозирги-келаси замон формасини ҳозирги замон формаси билан алмаштириб бўлмайди: Кўкрагингиз ярқ-ярқ қилади-ю, яна яёв келяпсиз (Ойбек). Нега қочган беданадай пусиб чурқиллайсан (А. Каҳхор).

2.Келаси замонни билдиради: Боланг уч-турт кун қийналади, кейин ўрганиб кетади (А.Қаҳхор). Ҳам ишлайман, ҳам ўқийман, бўлгани шу. Институтнинг сиртқи бўлимига кираман (Ш. Рашидов).

Келгусида бажарилиши аниқ бўлган ҳар қандай ҳаракат ҳозирги ўзбек тилида шу форма орқали ифодаланаверади.

Ҳозирги-келаси замон гумон формаси сифатдошнинг -(а)р (-мас) аффикси билан ясалувчи турини шахс-сон билан туслаш орқали қосил қилинади: ёзарман, ёзарсан, ёзар; ёзармиз, ёзарсиз,. ёзар (лар); ёзмасман, ёқмассан, ёзмас; ёзмасмиз, ёзмасмиз, ёзмас- (лар). Замон ифодалашига кура бу форма ёзаман, ишлайман типидаги формадан фарқланмайди, яъни бу форма ҳам ҳозирги замон ва келаси замон маъноларини ифодалаш учун қуллана олади:

. Қаердан биласан, балки ҳозир ҳам юқоридан қарапман (А. Каҳхор). Шу атрофда юргандир, келиб қолар (С. Анорбоев). Агар ярам жуда ҳам безовта қилса, санчастига ўзим борақоларман (Н. Сафаров).

Ҳозирги-келаси замон феълининг ёзаман, ишлайман типидаги формаси билдирган ҳаракатни гумон тарзда ифодалашда ёзарман, ишларман типидаги форма қўлланаверади: заводда ишлайди — заводда ишлар, эртага келади — эртага келар ва б. Лекин ҳозирги замонга оид ҳаракатнинг гумон тарзда ифодаланишида, асосан, -дир аффикси ва -са керак ёрдамида ясалувчи форма қулланиши сабабли (ишлаётгандир, ишласа керак каби) ишлар, келар

типидағи форманинг ҳозирги замон маъносида қўлланиши нисбатан кам учрайди.

Ҳозирги-келаси замон гумон феъли формаси шарт эргаш гапли қўшма гапларда бош гапнинг кесими вазифасида, кўпинча, фикрнинг қатъий ифодаси учун ҳам қўлланади: Агар ўлган киши қайта тирилса, бундан ортиқ ажойибот бўлмас (А. Убайдуллаев). Ҳозирги-келаси замон гумон формаси бу маънода қўлланган гап баъзан содда гап кўринишида бўлади. Лекин шунда ҳам бу феъл формаси билдирган ҳаракатнинг бирор шарт билан боҳланганлиги сезилиб туради: Сенга теккан баримни кесиб ташларман (Н. Сафаров).

Ҳозирги-келаси замон гумон формаси келаси замон маъносида қўлланганда, у билдирган «гумонлик»нинг даражаси бир хил бўлмаслиги мумкин: Балки завод қуриш учун авора бўлишга тўғри келмас, биз тайёр заводни, ишлаб турган заводни қўлга олармиз ва жуда ҳам арzonга олармиз.(Ойбек). Пулингни ярмига тўплаб ипак ол, қолганини сарфлама, читини кейин оларсан (Ойбек). Биринчи мисолда ҳаракатнинг бажарилиш-бажарилмаслигини ҳақиқатда ҳам сўзловчининг билмаслиги ифодаланади ва шунинг учун бу гапда «гумон» «билмаслик» маъносини ифодаловчи, балки сўзини қўллаш мумкин бўлади. Кейинги. гапда эса бундай эмас. Бу гапдаги оларсан формаси ҳаракатнинг бажарилшини аниқ тарзда ифодаламайди. Лекин у ҳаракатнинг бажарилшиши ноаниқ эканини (сўзловчининг билмаслигини) таъкид билан ифодаламайди. Шу сабабли бу гапда балки сўзини қўллаш ҳам мумкин эмас. Биринчи ҳолатда ҳозирги-келаси замон гумон формаси ўрнида -са керак ёрдамида ясалувчи формани қўллаш мумкин: эртага келар — эртага келса керак. Иккинчи ҳолатда эса ҳозирги-келаси замон формаси ўрнида бу формани қўллаб бўлмайди. Мисоллар: Кадр-қимматларингни туширманглар бўтам. Яна танангизга ўйлаб кўрарсиз (Ж. Абдуллахонов).

Мана ўғлим, эртага ўзинг олиб ер сан мороженоени (О. Ёкубов).

Демак, биринчи ҳолатда аниқ билмаслик, ноаниқлик таъкидланиши билан айтилаётган ҳаракат-ходисанинг акси ҳам назарда тутилади. Масалан, эртага келар деганда ҳаракатнинг эртага бажарилмаслиги мумкинлиги ёки эртадан бошқа куни келиши мумкинлиги ҳам назарда тутилади. Иккинчи ҳолатда эса айтилаётган нарсанинг акс томони назарда тутилмайди: Бир оз ўтириб борар сиз (Б. Рахмонов). Мен мана бу ўнгирда ёта тураман (А. Мухтор). Шунинг учун ҳам бундай ҳолларда сўзловчининг ҳаракатга даъвати, истаги, илтимоси каби муносабати ҳам ифодаланади (Юқоридаги мисолларга қаранг) Демак, ҳозирги-келаси замон феъл формалари, айрим фарқли модал маъноларидан қатъи назар, ҳозирги ва келаси замон маъноларини ифодалай олади. Худди шу хусусиятига кўра «ҳозирги- келаси замон формаси» деб аталади.